

巴塘志略

中国民族史地资料丛刊之四（内部参攷）

巴塘志略

中央民族学院图书馆编

巴塘志略

巴塘糧務嘉善錢召棠輯

例言

一巴塘歸隸版圖百有餘年。仰荷國家休養深恩。蠲免夷賦。增添腳價。不止一次。又土司年班。邀賞賚珍物。均應恭錄簡端。以彰聖朝怀柔荒服之意。第糧臺文案無徵。土官愚陋。私家又無紀述。容再鈔輯補編。

一地无沿革可攷。但述其通道之始。

一境內跬步皆山。溪流又錯。按陳登龍蜀水攷。李元作。了紀程。及近人衛藏圖。幾均載有巴塘水道。然源流方位。各有不符。不敢率合附會。

一巴塘土司在番部中。最為恭順。金川贍討靡役。下從。因冊卷散失。僅編廓爾



塔一役

一巴塘糧臺兼放江卡作一二凡兵食具有冊檔因志乃巴塘所作故不載入
一糧務題名遺漏甚多尚須補輯
一邊氓樸陋無可觀摩故人物節孝概從闕略
一地無古跡姑取其可遊目騁懷者作遊覽一門
一事有風俗所不能厭者終之以雜識

巴塘志略目錄

例言

通道

疆界

輿圖

山川

職官

兵制

賞卹

衙署廟宇

塘風 附渡船

賦稅

臺庫支放

糧務題名

土司

物產

風俗

游覽

雜識

附竹枝詞四十首

巴塘志略

巴塘糧務嘉善錢召棠輯

通道

漢武帝務勤遠略。鑿山開道。以通蜀徼。元鼎六年。定西蜀夷。作都以為沈黎郡。兼置旄牛縣。後漢書。天漢四年。并蜀為兩部。置兩都尉。一居旄牛。主徼外夷。按廢旄牛縣故地。在今清溪縣南。此黎雅之道所自開也。列代建置不一。吐蕃在唐時為患最甚。然分屯列戍。大都重在越嶲一道。蓋今飛越嶺。舊縣之外。尚有生羌阻隔。故有欲自雅州道入討生羌。因以擊擊吐蕃之議。因陳于昂之諫而止。直至元世祖欲郡縣六番之地。置吐蕃等處宣慰使。明洪武中。置烏斯藏指揮使。而打箭爐之路始通。然當日貢道尚由長河魚通天全碕門而入雅州。迨我朝康熙

四十年建鐵索橋於瀘水之上。賜名瀘定。漢平大道遂為入藏之咽喉。巴塘之名不見記傳。先為唐古特所屬。康熙五十八年大兵進藏。糧餉歸誠轉輸供役。嗣西域擴清。盡分邊界。遂以寧靜山之東。隸四川行省管轄。移駐文武員弁。撫綏彈壓百餘年來。將鼓無驚。休養生息。涵濡聖澤。漸染華風。已與內地編氓無異矣。

疆界

巴塘在成都西北二千二百餘里。打箭爐外二百五十里。古為吐蕃地。舊屬西藏。康熙五十八年五月二十四日。該地僧俗人等赴寧遠大將軍太保公岳鍾

興行營投順。歸隸版圖。雍正四年。欽差都統鄂爾泰。內閣學士班第。四川提督

周瑛。會勘邊界。以南墩為界。以東歸林際山。梁定為四川西界。改名寧靜山。訂立鄂博界石。其外地土人民。給達賴喇嘛管理。五年川滇分界。委合州知州張化

林營守備張 會同漢省委員周歷查勘議以巴塘所屬奔子楠阿墩子等處
移駐土司撥歸雲南八年小河營守備張 招撫臨卡石等十二處番民歸巴
塘土司管轄統計境內東西距四百六十里南北距七百八十里東南距西北九
百十里週圍約二千七百餘里東至二郎灣裏塘界二百二十里東南至耿中
橋雲南中甸界六百里南至奔子楠河西雅納等處雲南維西界三百八十里西
至宗希宗洛打拉官角等處西藏江卡界六十里西南至寧靜山江卡界二百
四十里西北至郭布三暗巴野番界三百十里北至薩馬爾德爾格武界四百里

山川

大朔山為東路通衢東平西陡從山梁直下一百二十里至巴塘出溝始達平地
寧靜山臺西南二百四十里為川藏分界處立有界碑并壘郭博

西松工山臺西六十里路甚崎嶇下即三暗巴地亦有郭博

茶樹山台南二十里往來大道一山突立二水環流一線羊腸別無歧徑真天成險隘也

八吉同隆山為正土司鎮山喇嘛特警山為副土司鎮山均高插霄漢番人無墳墓以其先世出自藏衛故歲時各於其山椎牛擗酒望西致祭

雪山臺北六十里終年積雪不消祇走絕跡

覺褚河源出臨卡石山內西南流至喇嘛城南與巴褚河合

巴褚河源出察木褚山西過巴塘城外至喇嘛城東合覺褚河水南經茶樹山下入金沙江

溜筒江源出南墩古樹山中東南流經鹽井對岸富南之色噶口過溜筒橋至奔子桶入金沙江

金沙江夷名色褚源出西藏衛地之巴薩通拉木山東麓之乳牛山夷言鳥捏為蘇東北流至木魯為蘇等處又折而東南流屈曲數千里達德爾格忒境南

入巴塘界過茶樹山下覺巴塘兩河合流東北來注之。又過竹巴籠西岸喜竹卡受江卡諸山東來之水。又過奔子橋受溜筒江西來之水入雲南中甸界下合打中雅龍馬湖諸水至叙州府城南而入泝江。

職官

巴塘糧務一員。駐防都司一員。專汛千總一員。分防竹巴籠汛外委一員。

均由內地揀派三年更替。

巴塘宣撫司一員。巴塘副土官一員。

遇有缺出照流官例由糧務會同營員揀選著有勞績番衆悅服之頭人土舍取其保結移送打箭爐廳轉詳咨達頒給號紙承充。

上臨卡石土百戶一員。下臨卡石土百戶一員。岡里土百戶一員。桑隆石土百戶一員。上蘇阿土百戶一員。下蘇阿土百戶一員。郭布土百戶一員。

土百戶七員均係投誠時給予六品土職號紙遇有襲替由土司驗充並不詳報

兵制

西藏通道巴塘安把總一員專司臺站文報竹巴籠安外委一員稽查渡口歸乍了守備管轄乾隆四十二年添設都司一員改把總為千總其成兵舊數無案可查現在隨營差遣馬步兵八十三名均由內地操營揀派三年更換先隸察木多遊擊統領五十四年改隸準和協

乾隆三十三年添設土馬兵一百四十名土拔兵六十五名。

賞卹

乾隆五十七年進勅廓尔喀在東覺山梁雅爾賽拉博爾東拉等處打仗官兵
經大學士公福康奏請議叙兵部覆准冊開奉旨巴塘副土官成勒春丕勒
賞給匾勒巴圖魯名號。

巴塘土千總澤旺諾爾布

土兵郎木結 納木結 色郎汪吉 格宗 曲儀 澤旺 議黨 雍中

以上超等功土官一員照例准其加銜一等超等功土兵八名照例各賞

銀三兩

巴塘頭人郎卡吉

土兵郎卡 色朗彭錯 工布老登 班角尔 阿札 工布澤登 澤敦
舟山

以上頭等功頭人一名土兵八名照例各賞銀二兩五錢

巴塘土兵何馬拿吉 澤江桑格 阿丙 格里 四郎札喜 阿郎迫 納

交 多結仁 四郎達吉 札佈彭錯 多吉郎 四郎翁吉 壬札 阿

迫 四郎札佈 壬占阿 交工曲

以上二等功土兵十七名照例賞銀一兩五錢

巴塘土兵阿札

以上受二等傷照例賞銀十二兩五錢

巴塘土兵多結郎 阿迫 四郎札什 壬札 阿交 四郎札喜 四郎迫

以上軍營病故照三等傷例各賞銀十兩。

巴塘土兵四郎任清 浪江 申拉 任青札什 官吉 洛宗

以上陣亡傷亡照綠營步兵例各賞銀五十兩。

巴塘營官成勒春丕勒管領土兵五十名行走迅速蒙恩加賞每名銀二兩。

攻官擦木打仗奮勇巴塘土兵四十七名每名恩賞銀一兩三錢。

濟龍打仗巴塘土兵四十七名每名恩賞銀一兩三錢。

攻克協布魯巴塘土兵四十四名每名恩賞銀一兩三錢。

衙署廟宇

巴塘糧務署在喇嘛城內都司千總向無衙署租住民房行臺正土司官寨副土司官寨均在民堡內關帝廟在堡東乾隆十三年漢民公建魁星閣在關帝

廟內觀音殿在關帝廟後龍王堂在河西岸土民公建城隍廟在堡東半里道光二十四年糧務錢台崇同土司漢土人新建義塚在河南夾堤頂正副土司捐置屬壇在義塚北糧務錢台崇捐建禮拜寺在夾堤頂回民公建卡頂平丁林寺在本臺喇嘛城內別加嶺寺在六玉德戎臺南四百四十里冲倉滾寺在過隆臺西南八十五里宮塞頂寺在過索低臺西南二百一十里墨納寺在過隆昌哇母工臺西北二百一十里乾塔滾寺在忠隆臺西南三百一十里羊古滾寺在邦木臺西南二百四十里宮薩滾寺在邦木臺西南二百四十里札底滾寺在邦木臺西南二百四十里戎側滾寺在六玉臺西南四百二十里塞鄂滾寺在宗俄臺西南四百五十里走羅滾寺在宗俄臺西南四百五十里阿納宮寺在柳納臺西南四百九十里仲哈滾寺在六玉德戎臺南四百四十里多

江滾寺在六玉德戎臺南四百四十里。噶晉滾寺在西松工臺西八十里。塞奔寺在西松工臺西六十里。

以上黃教喇嘛

卡興寺臺北四十里。打窩滾寺在打窩臺西四百里。桑登滾寺在充堪臺南一百一十里。竹反工寺在六玉牙日工臺南二百四十里。撮補滾寺在章堪臺東三百二十里。奔巴滾寺在六玉工德頂臺西南四百四十里。補日滾寺在撮工臺東北一百六十里。降哈滾寺在臨卡石臺東北二百四十里。哈納滾寺在六玉直舉臺西三百二十里。汪甲滾寺在六玉德戎臺南四百四十里。

以上紅教喇嘛

塘汎 附渡船